



ΣΤΕΦΑΝΙΣΚΛΩΝ.

Mr W. Birnie

AD SCOTIAE

REGEM, HABITVM IN
CORONATIONE

REGINAE.

17. Maij. 1590.

Per Andream Melinum.

PRO. 16. 13.

Iustitia stabilit thronum Regis.



*W. Birnie
1690*

EDINEVRGI

EXCVDEBAT ROBERTVS

Walde graue AN. DOM. 1590.

Cum priuilegio Regali.



AD REGEM

QVod feci dixique tuo, Rex inclyte, iussu,
Ecce iubes volitet docta per ora virum,
Iussisti quod here, egi hodie: cras ibit in orbem?
Et properatum adeo præcipitabis opus?
Præcipita, per me ire licet quo authore volasti
Trans mare, Sors eadem fors erit: vrget amor.



Birnie of Broomhill

Burden

Sculpt



ΣΤΗΦΑΝΙΣΚΙΟΝ.

AD SCOTIAE
REGEM, HABITVM IN
CORONATIONE
REGINAE.

*Q*uà regnum quis rectà adeat, quo iusta regantur
Sceptra modo, quæ pacem artes, quæ bella gu-
Nunc canerem: nî me terreret limine in ipso (bernent,
Argumentum ingens: & onus ceruicibus impar.
Quanquam ò si nostrum annuerit mihi numen amicum
Suscipiam hisce humeris: & me labor iste iuuabit
Cunctantem: & rerum iniusto sub fasce labantem.
Quippe ego, cui nec parua queunt, & magna recusant
Ferre humeri, indubitem ne meis, si numen amicum,
Viribus? & tanto cessabo hoc cardine rerum?
Non ita me sanctæ primis docuere sub annis
Pierides. Audendum adeo: & præludia parua
Tanti operis tentanda mihi. Si carmina Regi
Nostra placent, pergendum etiam tanto auspice Rege,
Et regis caelestis ope. Ergo ò maxime regum,
Cælicolûm rex alme, tuo qui numine reges
Das regnis haud indecores: & regibus addis
Inclyta regna bonus: rerum & successibus auges:

ΣΤΕΦΑΝΙΣΚΙΟΝ.

Atq; alios contra, haud nequicquam iratus, auito
 Exturbas folio, dum recti in lancibus equis
 Fas versum atq; nefas equato examine pensas:
 Te veniam, te pacem oro tam grandibus ausis:
 Et velis mare tranquillum, et tractabile calum
 Sulcanti remis regni imperiosius equor.
 Da remos et velarati: da stringere littus,
 Extremamq; oram, et scopulos vitare sonantes.
 Adspira facilemq; auram, lucemq; serenam,
 Donec leta suo condatur cymbula portu.

Tuq; adeo, quem septem arceis et mœnia Roma
 Iam dirum hostem horrent, fataliaq; arma tremiscunt,
 Ferguso generate, poli certissima proles:
 Quot reges tulit olim orbis quot regna Britannus,
 Tot regnis augende hæres, tot regibus orbe,
 Tot reges geniture olim fœlicibus astris
 Letus in optata sanctis amplexibus Anna.
 Anna, cuius amor te tot vada cerula mensum,
 Tot scopulos, tot præruptas saxa ardua rupes,
 Tantam Hyemem, tot fœta feris et inhospita tesqua
 Raptavit, gelidisq; morantem distulit oris,
 Quam procul à patria, ac populo regnisq; relictis
 Tam proprior Phæbo, Musis lucem annue nostris
 Dum canimus decus omne tuum, decus omne tuorum
 Rex IACOBE, decus Musarum et Apollinis ingens.

Amplum, augustum, ingens decus alta ab sede veren.
 Omnibus unum alijs dare iussa, imponere leges, (dum)
 Et maria et terras et pacem et bella tueri.
 Tam laus digna Deo, quam diuina emula laudis
 Fraudem arcere bonis: cladem importare profanis:

Et

ΣΤΕΦΑΝΙΣΚΙΟΝ,

*Et sanctos seruare tuo sub numine. Sed quò
 Maior honos, hoc maius onus. Res ardua quàm sit
 Regnare, et sceptris gentes frenare superbas
 Cum ratio tum exempla docent. Illam inspicis? arte
 Quà fas, quantà mole coerceri à capite vno
 Tot capita? ac vulgum infranem discordibus armis
 Atq; animis, numeroque ferocem et viribus acrem
 In gyrum rationis agi, cogiq; sub orbem
 Imperij iurisque manu, legisque flagello:
 Ferre iugum, frenosque pati et mansuescere habena?
 Exemplis te facta mouent? volve atq; reuolve
 Aevi omnis memores longis anfractibus annos,
 Omnia regna, omnes longo demùm ordine reges:
 Quam paucos tandem iuuenias, qui munere tanto
 Defuncti cum laude, omni sine labe reperti:
 Qui meriti nomen Regis, vel nominis umbram.
 Fama est Regem Asiae quondam dixisse potentem
 Vnà omnes inscribi vno posse annulo, et vnà
 Includi gemma, fuluum quæ diuidit aurum.
 Vndoso hoc cursum in pelago rectum vsque tenere,
 Per breuia & Syrtes, cacasq; sub aquore cautes,
 Pene nefas, nì multa ratem firma anchora fundet
 Virtus: & varios rerum experientia ventos
 Exploret: fluctusque feros clementia cæli
 Mulcere, & clarum puppi prætere lumen
 Alma velit: clauumque regat, velisq; ministret.
 Tante molis opus regnandi innare per aquor.
 Vis arcana tamen naturæ, et conscia fati
 Semina, scintilleque nouus quibus emicat ignis
 Lucis inardescens radijs genitalibus almæ*

Nunc

ΣΤΗΦΑΝΙΣΚΙΟΝ.

Nunc reliquis, nec prorsum alta caligine mersis
 Succendunt ardore nouo mortalia corda.
 Hinc flammata virum vis densa per ardua rerum
 Fertur ouans: Regumque sibi deposcit honores.
 Quin facilis pro laude labor. Leuat alta laborem
 Gloria, celsi animi pennis sublimibus apta.
 Quid studium humani generis? quid viuida virtus
 Ignae impatiens umbræ atque ignobilis otī?
 Quid proauī? quid Sanguis? amor quid coniugis aurea?
 Et dulces nimium dilecta è coniuge nati:
 Et prædulce decus patriæ: populiq; patrumq;
 Vel bello quærenda salus, per mille pericla,
 Mille necesse, & morte ipsa quod durius usquàm est?
 Quo patriæ non raptet amor cælestis & aulæ
 Aetheriæ, æterna Regem quæ luce coronat?
 Quo summi genitoris honos? quo gloria nati?
 Quæ rapere una potest humiles super æthera mentes
 Sidereo inuectas curru & cælestibus alis:
 Quæ pietas petit astra, viamq; affectat Olympo.
 Nos etiam quot, quanta trahunt? ô quam sumus una
 Coniuncti qui regnamur cum Rege catena?
 Virtutis secut ille viam dux præuius? ultrô
 Nos comites. Fertur preceps per deuia? iam nos
 Præcipites. Vernat Zephyris felicibus? & nos
 Floremus. Lapsū urget hyems? nos fiore caduci
 Defluimus, ruimusq;. Ita nodo adstringimur arcto
 Deuincti: commune bonum, commune periculum.
 Qualis ab ætherio Phæbus molitur Olympo
 Siue poli pulsū celeres, seu sponte quadrigas
 Nunc reuehens cum luce diem, nunc noctis opacas

Obdu.

Obducens tenebras mortali rebus in orbe:
 Talis agens celsa princeps Sublimis ab aula
 Seu procerum impulsu, seu sponte volubilis, infert
 Latitia lucem populo, luctusq; tenebras:
 Et recti prauiq; vices: luxumq; modumq;.
 Quisquis es ergò hominum qui rex moliris habenas,
 Seu lectus magno è populo, seu natus auito
 In solio, vel lege noua, vel more vetusto
 Sortitus sceptriq; decus regniq; coronam,
 Huc aures aduerte: et conde hæc sensibus imis
 Que dicam. Mea dicta ferent, mihi crede, salutem.
 * Quam magis haud cogi in regno, optandum atq; beatũ, ”
 * Tam magis haud suaderi etiam miserum et fugiendũ. ”

Est lapis ardenti quondam fornace recoctus,
 Algidus intantum exterior, quantum intimus ardet:
 Cui nomen calx viua. Latex si depluit vnda
 Hunc super, ignem intus latitantem frigidus imber
 Irritat: citus ecce foras ruit ardor anhelans,
 Atque aestu flagrante vomens incendia circum
 Cum fumo crepituq; & tetro infamis odore.
 Haud aliter, si magna licet componere paruis,
 Qua Phlegetontæis animorum incocta caminis
 Saxea dutrities, vitiorum & pasta sub artus
 Flamma nocens, et auara auri, regniq; cupido,
 Atq; ira, atq; odii, venerisq; gulaque libido
 Conditæ visceribus, cæcisq; inclusa cauernis
 Delitet: vt regni illecebris ros impluit aule
 Blandior: & Regi cum fulmine Legis ad aures
 Vox tonat: effracta cito nube erumpit in auras,
 Et sædam glomerat tempestatem ignibus atris

Famiferam inuoluens noctem : vastoq; fragore
 Regna ruens sordentem exhalat in astra Mephitim.
 Mota adeo Camarina furit graueolentis Auerni.
 Dat strepitum longè applaudens stygijs aula Tyranni.
 At cælum latè circum rubet omne pudore.

Quare ea dicta caue sanctas demittere in aures
 Palponum quæ turba canit : quod degitur aui
 Dulce venenum, aulæque omnis : stygio orta profundo
 „ Hetrusca de peste lues : extrâque supràque
 „ Esse fori pilas, legum & tabularia Regem.
 „ Stat regi, ut regni Domino, pro lege voluntas.
 Talia dicta vomit diris è faucibus Orcus:
 Inficit aulam omnem : insinuat se in pectora Regum.

Da pater hoc nostris aboleri dedecus armis
 Omnipotens: hac dira meo fac vulnere pestis
 Pulsa cadat: regumq; aulas & limina linquat.
 Imperet hic seruis tantum? Rex ergo Tyrannus,
 An patriæ pater? an custos populiq; patrumq;
 An iuris legumq; sacer sanctusque minister?
 Hoc, quo quisque Deo se rex gerit ipse minorem,
 Hoc, Deus est: aut viua Dei viuentis imago:
 Cui bellare nefas: cui fas parere: potestas
 Servire est: * Regnatque, Deo regnata voluntas:
 Cuius, & æqui omnis rectiq; est norma, voluntas.
 Est pecus, est peior pecude, est fera bellua soli
 Qui sibi se natum credit : qui non nisi in ipso
 Cogitat imperium imperio: qui deniq; secum
 Non putat ipse datum se ciuibus: at sibi ciues.
 Nonne est donò hominum & diuino munere, Reges
 In vestrum collata sinum Respublica, non ut

ΣΤΕΦΑΝΤΕΚΙΟΝ

Lactetis spe vana, at eam foueatis alumni?
Nonne præst populo Princeps, non Principis ergo,
Sed populi? populi que salus lex aurea Regi?

Aurea quæ summo collucent sidera cælo
Luminis alma sui indulgent mortalibus auram.
Qui regno inlucet reges, clarissima mundi
Lumina, si lucem officio, si laude tuentur,
Nonne suo accendant nobis de lumine lumen?

Ac velut in mare veliuolum vaga flumina cursu
Prætipitant, repetuntque suos verso agmine fontes
Omnia sub magna retro labentia terra.
Haud secus ad regem refuga redit acta recurso
Gratia larga, suo quam Rex de fonte profundis
In populum: quaque imperij rigat arua beata.

O præstantem animi, magna nec mentis egentem,
Et nimium fælicem illum: qui in culmine summo
Rerum, audire bonus ma vult quam magnus: & in quo
Maïestate modus, sceptrisque modestia creuit.

Quem populus proceresque orientem et luce nitentem,
Quale lubar Phœbi aut radiati numinis instar,
Adspiciunt certatim omnes medij inter amorem
Atque metum: alternis que animis atque ore salutent
Ambigui patremne bonum, regemne seuorum.

Hic præclarus bonus. Hæc Regum turris abena:
Quò vos nunc humana vocant, diuinæque iura:
Et sensus sapientum omnis, qui legibus orbem
Fundarunt: qui rexerunt: qui voce magistra
Quique manu docuere artes, morèmq; regendi.

Cura poli populi que salus, ius norma que regni,
Laus sceptri, lux imperij, flos ipse corona,

ΣΤΕΦΑΝΙΣ ΚΙΟΝ.

Quam vobis seruet florentem, atque ubere largo
 Eximios fetusque diu fructusque ferentem
 Institiæque pia, & iusta pietatis, & omnis
 Officij, quod max sancta virtutis amara
 Pullulet ab radice tibi densissima sylua
 Rex IACOBÆ, tibi Regina ab suauibus ANNA
 Floribus, & sancta faciat vas prole parentes,
 (Quæ regat immensum Christi sub legibus orbem)
 Rex Regum, Diuum Dominus, Deus ille Deorum,
 Christi adum genitor, Rex omnipotentis Olympi.
 Longè clara tui splendeat nominis aura:
 Latè sceptræ tui pateant cælestia regni:
 Sic terra ut cælo fiat tua sancta voluntas.
 Nobis nostrum hodie da victum & commoda vite.
 Da tabulas, nullo ere, nouas. Nam nos damus ultre,
 Et ne nos præda exponas: sed libera ab hoste.
 Nam regnum, roburque tuum, & decus omne per eum
 est.

FINIS.



100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200